



## Ennetin Pworousen Opposun COVID-19

**Mi Weneiti:** *Aramas mei kan urir allergic reaction resapw angei ewe oppos Pfizer/BioNTeck*

**Ennetin Porous:** Ika en mei allergic ngeni och mettoch esapw wewen pwe kopwe tongeni allergic ngeni pwan och. Aramas ion mei wor an allergic reaction ngeni och masowen non ewe opposun COVID-19 rese tongeni repwe angei ewe oppos.

**Mi Weneiti:** *Ena oppos a chok muttir an no ngeni nenien amomo iwe ese mwo wor angangen nengenifichi ne tesini ren eochun ngeni emon*

**Ennetin Pworous:** Opposun COVID-19 ra chok katon ifan eochun ren unuseochun angangan me non ekkewe clinic. FDA epwe mutata aean ekkewe opos me murin ar repwe nengeni ei data.

**Mi Weneiti:** *Ewe opposun COVID-19 mei tongeni an epwe fori an epwe wesino ewe nimengawen monun semwen*

**Ennetin Pworous:** Ese mwo wor met mei pwarata an epwe anisi pwe ewe angangen awesano nimengawen monun semwen ew pekinagwen ewe opposun COVID-19.

**Mi Weneiti:** *Ewe oppos echok ekisano ekkewe esisinen ewe semwen nge ese eppet i an emon epwe angei ika chounon ewe COVID.*

**Ennetin Pworous:** Ekewe asosot ren ewe oppos emi pwarata pwe mei eppet ewe semwenin COVID-19 nge ese pwan nenengeni ika pwe mei eppet ewe monun semwen ika chounon ewe monun semwen. Sise mwo sinei iei ika pwe mei eppet ewe monun semwen ika chounon ewe monun semwen.

**Mi Weneiti:** *Ewe oppos mei auchea an emon epwe angei.*

**Ennetin Pworous:** Nupwen ew oppos a wor mumutan aean ren emergency, ekewe mei semwen repwe tipeew ngeni ar repwe angei. Ese mwo wor kokkot ren an epwe ew onnuk ewe opposun COVID-19.

**Mi Weneiti:** *Ekkewe pekingawen ewe oppos efen kon ngaweseni ekkewe pekingawen an emon uri COVID-19.*

**Ennetin Pworous:** Ewe opposun COVID-19 mei tongeni forata metekin ikewe ian ewe oppos ian, metek mokur me metekitek non inis. Ekkei mettoch mei fis pwokiten ena oppos mei tongeni pwe repwe wattenno weiresin nap seni pwan ekkoch oppos nge mei chok tongeni epwe wesino non ew ika ruw ran. Ika mwo pwe ewe COVID-19 epwe atitin, mei pwan tongeni pwe epwe fen wattenno ika fen efeiengaw.

---

**Mi Weneiti:** *Ewe oppos esapw anisi inisum an epwe tongeni fiu ngeni monun semwen usun non nikinikin an a tori ewe monun semwen.*

**Ennetin Pworous:** Ewe inis mei pusin fori an angangen fiu ngeni ewe COVID-19 non pwan ew sokkun nikinikin fiti ewe oppos nap seni ren an angei ewe monun semwen. Nge ewe oppos mei anisi ewe inis ne forata anen fiu ngeni ewe semwen inamwo ika ese mwo tori ewe semwen, ewe mei tongeni pwe epwe wattenno me fen pwan efeiengaw.

---

**Mi Weneiti:** *Ekkewe oppos mRNA ir mei kon efeiengaw nap seni pwan ekkoch oppos.*

**Ennetin Pworous:** Ekkewe oppos Messenger RNA (mRNA) mei pwano pwe repwe tongeni forata ekkoch sokkun pekingaw ngeni inis non mwochomwochen fansoun nap seni pwan ekkoch oppos. Nge ekkei pekingawan rese nikinikin pwe repwe nomwotam won emon.

---

**Mi Weneiti:** *Ekkewe oppos mRNA mei tongeni pwe repwe osukosuka omw DNA*

**Ennetin Pworous:** Ekkewe oppos messenger RNA nikinikin angangan ngeni non inisin aramas repwe tongeni aiti ngeni ekkewe monun non inis won ifan usun ar repwe fori ekkewe protein rekan poputani angangen fiu ngeni monun semwen, ei mei feito seni ewe CDC. Ekkewe messenger RNA repwe opposunong non inisum nge resapw wor ar repwe mwokutukut fengen me ika osukosuka met monun non omw DNA.

---

**Mi Weneiti:** *Ika pwe a fen piin uriei COVID-19 nge uwa chikar sefan, usapw pwan angei ewe oppos*

**Ennetin Pworous:** Pwokiten watten efeiengawen semwen mei fitifit fengen me ewe samwaau me pwan met ennetin pworous mei fat pwe an

emon epwe pwan tor-sefani monun mei tufich, epwe tongeni wor pesepes pwe aramas repwe angei ewe opposun COVID-19 ina mwo ika ra fen piin urir ewe samwaa me mwan.

---

**Mi Weneiti:** *Ika pwe uwa angei ewe opposun COVID-19, uwa tongeni ai upwene kouno seni ekkew angangen tumwunun ewe semwen ren aean pwonupwonun aaw me pwot me pwan atowawa nefinei me ekkoch*

**Ennetin Pworous:** Non an ewe oppos epwe eppet sonuk omw kopwe semwen, ese mwo fateno iei ika pwe mei tongeni an epwe nomw reom ika kopwe pwan achou ngeni ekkoch ewe monun semwen me murin omw angei ewe oppos. Tori an epwe napeno ach kaeo ngeni, mei murino an epwe chok sopwosopwono ekkewe angangen tumwunun ewe samwaa ren aean pwonupwonun aaw me pwot me atowawa nefinen aramas.

---

**Tourechun taropwe:** Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokori ewe Center ren Porausen Health won 1-971-673-2411, 711 TTY ika [COVID19.LanguageAccess@dhsosha.state.or.us](mailto:COVID19.LanguageAccess@dhsosha.state.or.us).